

Ita est custu vademecum ?

Custu Vademecum est una gènia de guida innui s'arrespundit, cun figuras e fumetus chi podint interessai fintzas a is piciocheddus, a preguntas asuba de sa Limba Sarda.

Is preguntas pertocant, prus a totu, su profetu mannu chi nois sardus teneus gràtzias a is leis a tutela de is limbas de minoria.

Si podit agatai duncas sa respusta chi si fait isciri comenti si podeus abàlliri de totus is diritus chi teneus gràtzias a custas leis:

- **sa lei n.482 de su 1999**
- Normas a tutela de is minorias linguisticas istòricas-
- **sa lei de sa Regioni Sardigna n.26 de su 1997**
– Promotzioni e valorizazioni de sa cultura e de sa limba de sa Sardìnnia-

Si podint agatai puru atras chistionis e curiosidadi asuba de sa Limba Sarda.

Su *Vademecum* at a bessiri a puntadas cun unas cantas preguntas e arrespustas a borta.

Su Vademecum inderetura a domu!

Custu *Vademecum* a puntadas fait a dd'arrèciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu limbasarda.abas@gmail.com iscriendi su nòmmini e su sambinau e "bollu arrèciri su *Vademecum*".



Comunu de Abas
Provintzia de Aristanis

Su Vademecum est aprontau de su Servìtziu linguìsticu sardu de su Comunu de Abas
(operatoras *Tatiana Frau e Silvia Mastinu*).

S'isportellu linguìsticu est a disponimentu de citadinus, maistus de iscola, professoris e istudentis po calisiat informatzioni, fundamentu, duda, crosidadi, bibliografia, sitografia asusu de sa Limba Sarda, po consulèntzias didàticas e po cussillus chi pertocant is arrègulas de iscidura de su sardu.

Su Servìtziu est apertu:

	De	A
Giòbia a mangianu	Is 7:30	12:30
Cenàbura a mangianu	Is 7:30	Is 9:30

Telèfunu: 0783/911329

E-mail: limbasarda.abas@gmail.com



Comunu de Abas
Provintzia de Aristanis

www.comune.ales.or.it

VADEMECUM

Pò su manìgiu de is leis a tutela de is limbas de minoria

Annu I, n.1


Acabau su 29 de cabudanni de su 2011

PREGUNTAS ASUBA DE SA LIMBA SARDA

Ita si podit fai cun is leis a tutela de is limbas de minoria?

Su sardu est una limba o unu dialetu?

Su sardu est una limba comenti s'italianu etotu, poita tenit règulas suas chi funt diversas de cussas de s'italianu.



Po ndi sciri de prus...

- Su sardu est una limba o unu dialetu?


Su sardu est una limba ne prus e ne mancu de s'italianu poita tenit una istòria sua e règulas suas. Imparis a

s'italianu, su francesu, s'ispaniolu, su portoghesu, su ladinu e su rumenu est una limba chi benit de su latinu e chi s'est ammanniada a sola cun infruèntzias de s'italianu antigu e modernu, de s'ispaniolu e fintzas de su grecu, ma chi at tentu puru infruèntzias de is limbas chi ddui fiant in antis de su latinu comenti cussa nuràgica (de in ui ndi arribant is fueddus cun is sonus NUR- e GON-) e cussa fenìciu-pùnica.



Ddui est sceti una limba sarda o medas limbas sardas?

Sa limba sarda est una ma ddui funt medas variedades a segunda de sa bidda. E totu is variedades tenint sa pròpiu importàntzia!



Pò ndi sciri de prus...

- Ddui est sceti una limba sarda o ddui funt medas limbas sardas?

Sa limba sarda est una, ma ddui funt unus cantus variedades a segunda de sa fueddada de su logu.

Is variedades prus mannas funt su Campidanesu e su Logudoresu, ma aintru de custas ddui funt variedades prus piticheddas chi inserrant zonas de una pariga de biddas. Ddui funt puru tretus, cussus me is làcanas intra de is duas variedades prus mannas, in ui sa fueddada càmbiat de bidda in bidda.

In Sardinnia, in prus de su Sardu e s'Italianu, si fueddant fintzas atras limbas: su catalanu in s'Alighera, su genovesu-tabarchinu in Cabasedda e Carloforti, su tataresu in sa zona de Tàtari e su gadduresu in Gaddura.

Comunu de Abas
Ufitziu de sa Limba Sarda

Sa Dotora Tatiana Frau
Sa Dotora Silvia Mastinu